

欽定大清會典圖

欽定大清會典圖卷二百八

輿地七十

高州圖


乾州圖


邠州圖

鄜州圖

綏德州圖

商
州
圖





商州在省治東南三百里至

京師二千六百里。領縣四。東南山陽商南。西南鎮安。東北維南。丹河一名丹江。出州西北。秦嶺東麓。合老君谷水。洪門河。泥谷水。東南流。經西砭。清池水。會荆川水。泉村水。板橋水。桃岔河。十九河。東南流注之。又東南。經州治西南。為西河。林岔河。自西安府藍田縣。東流。經州西。合乳水。軍嶺川。上秦川。五谷川。東流注之。又東南。楚水二源。合東北流注之。又經州治南。左納大面河。大張河。會谷河。曲折東南流。右納大谷河。又東

南經商洛鎮。又東南老君谷水自雒南縣西南流經伯牙山麓。又西南流注之。又東南左納資谷河水。又東南經竹林關。銀花河自山陽縣曲東北流注之。又東南為兩河。又東左納背谷水。右納廟臺子水。又經商南縣西南。武關河出雒南縣東南。合巒莊河。鐵谷水。曲南流注之。又東南經商南縣西南。徐家店受清油河。河出雒南縣東南。花獐坪。合新家溝水。捉馬溝水。南流注之。又東南經縣南。縣河二源並出縣東北。合南流。左納赤地街水。右納索谷河水。西南流注之。

又東南經湘河街。右納湘河。又東經梳洗樓。入河南浙川廳界。雒水源出雒南縣冢嶺山。東南流合丹水。又經保安衛南元扈山北。左納文谷川。又東經縣治北。門水會東西桃坪水。東南流注之。縣河出縣西南東北流注之。又東右納沙河。又東禹坪河合乾澗水。常水南流注之。又東右納故縣川。東北流左納靈水。又東北要水出雒南縣東南蟒嶺。合大石河。蟒嶺水東流折北注之。又東入河南盧氏縣界。金井河自西安府孝義廳東南流。經鎮安縣東北。至馬家臺東。左

納菜谷水小河水折而西南。社川河亦自其廳
來東南注之。又經山陽縣西南。左納牛耳川。又
東南受色水。水即礮關水。出州治南劉嶺。安武
水亦出州治南安武山。合南流為平陽水。經山
陽縣西。縣河合縣東小水西流注之。折西至桐
谷街。桐谷水南流注之。折南至色河。鋪蔡家溝
水東流注之。又南左納北溝水。注金井河。又折
西南。花水河上承鎮安縣巖屋河。葦園水。朱糧
川東流注之。又折東南。左納箭河。漫川河。又南
入湖北鄖陽府鄖西縣界。乾祐河亦自孝義廳


入界東南流經鎮安縣北乾祐故城折而南流
經縣治東南右納縣河又東南冷水河合攔馬
河東流注之又東南入興安府洵陽縣界洵河
亦自孝義廳來東流經鎮安縣西南余師鋪右
合小任河復東南流入洵陽縣界大任河出鎮
安縣西南二源合東流經鮮魚溝又曲折東南
流出界注之紫溪河出鎮安縣南紫溪嶺南流
入興安府安康縣界紅巖河出鎮安縣東南亦
入洵陽縣界滔河上源曰石柱河出州東南石
槽溝腦合山陽縣軍川水東流經商南縣西南


合布文溝水。又東折南入湖北鄖陽府鄖縣界。
摩峪水出商南縣東北。西南流經富水關街。折
東南為黑漆河。入河南南陽府淅川廳界。蓋水
一作牧護關水。即灞水上源。出州西北秦嶺。西
流入藍田縣界。商山在州東。州東及東北界河
南陝州。西及西北界西安府。南界湖北鄖陽府。
北界同州府。東南界河南南陽府。西南界興安
府。

乾

州

圖

							
1944							
1945							



乾州在省治西北一百六十里至

京師二千六百九十五里。領縣二。西南武功西北永壽。渭河自鳳翔府扶風縣東流至橋頭渡受武水。水即杜水。出永壽縣西南石牛山西麓。南流經縣西界。又南經州西北。其西為鳳翔府麟遊縣界。左右各納一小水。復經永壽縣南為大橫河。又南為錦川河。又南經州西為武水。又南經武功縣治東北。二水寺受漠谷水。水出永壽縣西分水嶺。南流經州西。左納瓦子岡水。吳店溝水。右納大橋溝。劉家嶺合流水。又南左納寶


泉寺水又南注武水武水又南經武功縣東南
毛家背漳水自鳳翔府扶風縣來東流注之又
南經橋頭渡注於渭河渭河又東經渭源村南
又東入西安府興平縣界泔水出永壽縣北分
水嶺東南流經縣治東又東南經九龍背左納
三源合流一水右納一小水又東南經州北左
納泔峪河又東南經田家坳左納注泔溝水又
東南經陸伯鎮東屈東流入西安府醴泉縣界
涇水自邠州東南流經永壽縣東北佛爺背又
東南經焦家背右納焦家河又東南經縣東胡


家嶺右納一小水又東南經窩子坪右納二源
合流一水又東南經大牌入西安府醴泉縣界
拜家河自鳳翔府麟遊縣來東北流經永壽縣
西北右合宿宿溝水又東北經縣北入邠州界
合宗家山水注於太谷水清水自西安府藍屋
縣東北流入界經武功縣東南又東流經陳家
號入興平縣界注於渭河州東至南界西安府
西及西南界鳳翔府東北至西北界邠州

邠

州

圖



邠州在省治西北三百二十里。至

京師二千八百五十里。領縣三。東南瀋化。東北三水。西北長武。涇河自甘肅涇州緣界東南流。經長武縣北。又東南。其北為甘肅慶陽府甯州界。合其州之馬蓮河水。又東折南。經州西北彬子渡。折西南。流入界。經長武縣東。又經縣南。回龍山北。黑水亦自涇州來東南流。至合川口會其州靈臺縣來之汭水。東南流注之。折東南。經州治西北小莊西南。安化河自州西南黃白坳東北流。與甘肅鳳翔府麟遊縣之水簾洞水即漆

水合流復分。經安化溝來注之。又東南經高渠渡。又東南蘆子川上流為皇澗水。自慶陽府正甯縣來西南流。經三水縣北。又西南來注之。又東南受水簾洞水。又東南右納洪龍河。又經州治北。東南流至治東南右納南河。又東南經州東炭店溝上游為過澗水。出三水縣北西南流注之。又東南經州東南斷涇渡。大峪河即拜家河。自乾州永壽縣來。東北流經拜家河鎮。又經大峪鎮。東北流注之。又東南經程家川。汭水一名縣河。自鄜州宜君縣來。經三水縣東北分水。


嶺。左納連家河。蒼耳溝水。西南流注之。又東南經淳化縣西。金源堡。姜嫄河。一名七里川。出三水縣東石門山。西南流經淳化縣北。姜嫄河村。又西南注之。其右為西安府醴泉縣界。又東南經淳化縣南。興甯堡。入西安府醴泉縣界。又東南界治水。亦名縣河。一名臨江潭。一名龍潭水。出淳化縣北。蝎子掌山。石硤中。南流經治東。左納走馬水。右納葫蘆河水。又東南流。左納小泥河。及米倉溝水。又西南入涇陽縣界。州東及東南界西安府。西界甘肅涇州。北及西北界甘肅慶


陽府南界乾州西南界鳳翔府東北界鄜州

鄜

州

圖





鄜州在省治東北五百五十里至


京師二千五百里。領縣三。東南洛川。西南中部宜君。洛水自延安府甘泉縣南流入界。經州治北。采銅川亦自其縣來合紙坊河。東南流注之。又南牛武川合楊家河。西南流注之。經州治東。又南經峪口。廂西水合闡撫水。西南流會街子河。來注之。又經洛川縣西。左納杜家河。經縣西。又曲折南流。受華池水。水即清水河。自甘肅慶陽府合水縣東南流入界。經州西。左納碾盤溝水。又東南黑水。即葫蘆水。合碾溝川水。東流注之。


屈東南會道河合直羅川東北流注之。又東南
經張村驛北。石炭溝水二源合東北流。復分二
支來注之。又東南左納三川水。又東南注洛河。
洛河又東南受沮水。北支水出中部縣子午嶺。
北合諸小水。東南流經太白山麓。至宜君縣西
北。合礮磴河。俗名長祥河。折東流。右納柳茅莊
河及一小水。又曲折東南流。桃渠川合數小水。
東北流注之。折東北。經中部縣南。慈烏河上承
玉華水及纏帶峪水。東北流注之。經縣治南。又
東北左納泥峪河及一小水。又東北經上官村。

分為南北二支並注洛河。洛河受沮水北支。遶老河灣曲南流。左納仙宮河黃連河。又西南受沮水南支。又東南右納香川水。又東南五交河出宜君縣東二源合東北流注之。又南經宜君縣盤龍村雷源鎮水上承西安府同官縣之石盤川東北流注之。又南聿津河出洛川縣東硃砂嶺合屈家河西南流注之。又南入同州府白水縣界南川水出洛川縣東神泉村合一小水東流經阿羅谷入延安府宜川縣界馬蘭水三源並出宜君縣一出石底子諸谷一出大環溝。

一出金水溝合西南流經馬蘭鎮左納五里橋
水又西南流入邠州三水縣境姚渠川水出宜
君縣西姚渠街東諸谷中合東南流入西安府
耀州界州東至西北界延安府西界甘肅慶陽
府南及東南界同州府西南界西安府邠州

綏德州圖





綏德州在省治東北一千一百里至

京師一千八百六十五里。領縣三。南清澗。東吳堡。北未脂。黃河自榆林府葭州緣界南流。經吳堡縣東北盤龍嶺。又東南經川口鎮。右納戲龜洲水。其東為山西汾州府永甯州界。又東南經橫溝。東又西南經火燒山麓。右納柳毫溝水。經縣治。又西南右納相公泉水。又西南經宋家川。東南清澗水。合馬跑泉。東南流注之。又東南經州東南石壩村。西南流。經西河驛。其東為汾州府甯鄉縣界。又西南經清澗縣界。首鎮東。其東為汾州

府石樓縣界又西南經河口東受無定河河自
榆林府榆林縣東南流入界經米脂縣治西又
南經州治東北大理河小理河並自榆林府懷
遠縣來經米脂縣西南境合東流注之又南流
經州治東東南流懷甯河自延安府安定縣來
合其縣之東溝水東北流注之又東南經川口
鎮又東南注於黃河黃河又西南入延安府延
川縣界秀延水即辱水一名清澗水又名吐延
水自延安府安定縣東流入界經清澗西三角
坪北士子河合一小水南流注之折而東南經

縣治西又東南左納坡底河水又南經營田鎮
又南復入延川縣界州東及東南界山西汾州
府西至東北界榆林府南界延安府


欽定大清會典圖卷二百九


輿地七十一

甘肅省全圖

蘭州府圖

甘肅省全圖一







甘肅省全圖二

中北

一






甘肅省全圖三

北 右

一一



甘肅省在


京師西北。蘭州府為省治。陝甘總督甘肅布政司
共治焉。統府八廳一州六。蘭州府東固原州慶
陽府東南鞏昌府化平川廳平涼府涇州秦州
階州東北甯夏府西北西甯府涼州府甘州府
肅州安西州。黃河自青海東北流經西甯府西
南入境。又經蘭州府西洮河自洮州廳東流折
北注之。大通河合湟河東南流注之。又東北合
祖厲河。經甯夏府西南合清水河。又東北入內
蒙古鄂爾多斯左翼旗界。涇水出化平川廳經


平涼府及涇州北慶陽府南合環水入陝西邠
州界渭水出蘭州府東流經鞏昌府北秦州北
合苦水河東流折南入陝西鳳翔府界故道河
自陝西漢中府西南流入境經秦州東南西漢
水出州南西南流經階州東並入陝西漢中府
界白水江出鞏昌府西南東南流經階州南合
清江入四川保甯府界古浪河沙河水磨川並
出涼州府北流入阿拉善額魯特旗界黑水即
額濟納河出甘州府東南經府治北西北流至
肅州東北合白河入內蒙古舊土爾扈特部界

疏勒河出安西州東南西北流經州治北而西
會黨河瀦為哈喇泊東至陝西界西至青海界
北至內蒙古阿拉善界南至四川界東北至內
蒙古伊克昭盟界西北至內蒙古額濟納外蒙
古喀爾喀札薩克圖汗部新疆界

蘭州府圖一


中





蘭州府圖二

南



蘭州府為甘肅省治。至

京師四千四里。領州二縣四。治皋蘭。南狄道州。
東南金縣渭源。東北靖遠。西南河州。黃河自
西甯府循化廳東流入界。經河州西北小積
石山北。右納樣卑河。吹麻河。銀川河。又東北
至蓮花渡。受大夏河。河即古灘水。自西甯府
循化廳番地東北流入界。經州西。右納槐樹關
河。左納老鴉關河。紅水河。又東經州南。又東右
納牛脊河。折北流。右納廣通河。注於黃河。黃河
又東北至州東北洮河口。受洮河。河自鞏昌府

洮州廳土司合冶木河北流入界。經狄道州南。抹邦河合松樹溝水西北流注之。又北經州治西而北。三岔河合麻山溝留川河東北流注之。東峪河西北流注之。又北經河州東西北流右。納打壁水土條溝水。又西北右納祁家河東結河沙泥河及二小水。又西北注於黃河。黃河又折西北流左納馬營河。又東北大通河合湟河。自平涼府平番縣來東南流注之。又東北莊浪河亦自平番縣來南流注之。又曲折東南流右。納西柳溝水。左納朱家沙溝水。又東南經府治。

北右納阿干河左納莫家溝水埠河折北至金
縣西北受龕峪河河出金縣南馬銜山東北流
左納徐家峽河大峪河又東北大營川出縣東
南胡麻嶺北流合新營河曰清水河又北合黑
茨溝水來會又西北左右納五小水注於黃河
黃河又東北經皋蘭縣東北金縣北蔡家河出
皋蘭縣北合一水及老鶴河東南流注之又東
北左右各納數小水至靖遠縣治西北受祖厲
河河自鞏昌府會甯縣入界東北流經靖遠縣
東南右納消河又西北關川自鞏昌府安定縣

來會又西北右納一水又西北注於黃河黃河
又東折北右納煙洞溝水折西北一水自打拉
池來西流注之又西北右納一小水及大紅溝
水左納皋蘭縣北二小水又西北一水自皋蘭
縣北境新敦溝合數小水東南流注之又折東
北右納鈎溝水左納喇叭水又東北入甯夏府
中衛縣界渭水出渭源縣西烏鼠山東流經縣
治南又東南清源河出縣西南五竹寺山鉄峪
河出縣西南池溝山並東流來會又東入鞏昌
府隴西縣界皋蘭山一曰五泉山在府治南烏

鼠山在渭源縣西小積石山即古唐述山在河
州西北府東至南界鞏昌府西界西甯府北界
蒙古阿拉善額魯特旗西南界洮州廳東北界
甯夏府西北界涼州府


欽定大清會典圖卷二百十


輿地七十二

平涼府圖

鞏昌府圖

平涼府圖





平涼府在省治東南八百一十九里至

京師三千一百八十五里領州一縣三治平涼南
華亭西靜甯州隆德涇水自固原州入境東南
流經府治北橫水上承白巖河諸水自化平廳
東流來會經府治北又東南右納大岔河及三
小水左納小盧河大盧河水又東南復右納二
小水左納潘陰澗水又東南入涇州界洶河二
源並出華亭縣西隴山東流夾縣治相會東北
流策底河出縣西北合二水東流來會又東南
受五村川水折東北流入涇州崇信縣界盤口


河亦出隴山。東流右出一支津。東南流入涇州。崇信縣界。左出一支津。東北流為五村川。正渠又東南亦入崇信縣界。苦水河。一曰長源河。自固原州南流入界。經隆德縣西北。一水自固原州來合二小水。西流注之。又南濫泥河出隆德縣西境。龍川堡東流合三水。東流來會。又東南紅城河上流曰各道河。出固原州靈湫合。單樹堡水西流曰紅城河來注之。又西南右納二小水。經靜甯州治西。受甜水河。河上流曰好水川。出隆德縣東北六盤山。合一水西南流底堡河。


南源河合北流注之。又西合一水注苦水河。苦水河又東南高家堡川出州西北合二小水。東南流注之。折東左納威戎川。又南底店川出州東。東南流經隆德縣之莊浪左合一水來注之。又西南至合河口。治平川合張家峽水東南流注之。又南受水洛川水。水出州東南山。合二小水西南流。略陽川水自華亭縣西南山錯經秦州清水秦安二縣界。合石峽口諸水西流來會。又西注苦水河。苦水河又南入秦安縣界。崆峒山在府治西。隴山一曰關山在華亭縣西。府東。

及東南界涇州。南界陝西鳳翔府。西界鞏昌府。
北及西北界固原州。西南界秦州。

翠昌府圖一


中






翠昌府圖二

北





鞏昌府在省治東南四百二十里。至

京師三千九百二十一里。領廳一州一縣七。治隴西。東南甯遠。伏羌。西和。西南岷州。洮州。廳西北安定。東北通渭。會甯。渭水自蘭州府渭源縣東流入界。經府治西北。左納亂羊河。又東南右納廣陽河。科羊河。荆頭川。經治北。又東南。赤亭水。自治東北。合數小水注之。又至甯遠縣城西北。出桃花峽。受漳河。河上源曰遮湯河。出岷州北。崆峒山北麓。東北流。合擦寸河。喇能河。折東南。經故漳縣南。至縣西北。廣吳河亦曰新興川。上

流曰良恭河出岷峨山東北合蕩川會閭井水
馬湟水筍溝水紅崖水來會又東北注渭水渭
水又經縣城北山丹河出岷州城兒谷東北流
注之又東左納桃花山水又東南峪河上流為
楊家河合瓜牛山水北流注之又經伏羌縣西
東流至縣北華川水出通渭縣西北山東南流
合李家店河貫川河來注之又曲折東流入秦
州界藉水一曰洋水出伏羌縣西南亦入秦州
界洮河一曰巴爾西河出洮州廳西北西傾山
南流折東庫庫烏蘇波爾波河諸水東流多克

第河合拉爾河底穆塘河南流注之。又東北左
右納三小水。經舊洮州南。又東經洮州廳南。左
納玉筍山水。又東經岷州治北。牒藏河合車眼
河。緣圓河東流。折北注之。又北流至茶埠峪。右
合吉拉河。折西北。復經洮州廳東。邊犄河東南
流注之。又北流。與其西治木河。並入蘭州府狄
道州界。西漢水。一曰鹽官河。自秦州西流入界。
經西和縣北。橫水河。自縣南北流注之。又西南
錯入秦州禮縣界。復經西和縣東南。流左。受
江底河。雪水河。又東南入階州界。岷峨江出岷

州東南岷峨山分水嶺。南流合一水。折東亦入秦州禮縣界。注於西漢水。白水江即墊江。為古桓水。上承四川松潘廳屬番地祥楚河。東北流入界。經洮州廳西南。曲折東流。受諸溝水。折東南流入階州界。白龍江上源曰阿塢河。出岷州東南分水嶺。合荔川河南河。曰岷江。東南流。經臨江鋪。亦入階州界。祖厲河出會甯縣東南山。北流折西。經縣治南。一水出縣南米家峽。北流來會。又北右納倉下河。什字川河入蘭州府靖遠縣界。關川二源一出安定縣東南界。禪牧山。

北麓曰牛營河西北流經縣城東曰東河一出
縣西南胡麻嶺東北流曰西河至城北合北流
左納瑞麥澗水折東北曰關川經會甯縣西北
亦入靖遠縣界岷山在岷州西南朱圉山在伏
羌縣西南府東及東南界秦州南界階州西界
青海北及西北界蘭州府西南界四川松潘廳
東北界平涼府